

福建通志

第捌拾貳冊
文苑傳

福建文苑傳卷六

明

藍仁字靜之第智字明之崇安人元時清江杜本隱武夷崇尚古學仁兄弟俱往師之授以四明任士林詩法遂謝科舉一意爲詩其體格法唐人閒入中晚開十子之先閩中詩派仁兄弟倡之也仁嘗慕林逋爲人杖履徧武夷諸峯後辟武夷書院山長遷邵武尉不赴內附後例徙濠數月放歸卒有藍山集智少從林泉生學洪武十年被薦起家廣西僉事有廉聲張昶稱其詩眾體兼備足配風雅有藍湖集

明史東越文苑

林鵠字子羽福清人洪武初以人才薦太祖臨野試龍池春曉孤雁二詩稱旨授將樂縣訓導歷禮部精膳司員外郎年未四十自免歸益閉門肄力爲詩一洗元人纖弱之習爲開國宗派第一閩中善詩者稱十才子鵠爲之冠十子者鄭定王褒唐泰高棟王恭陳亮王偁及鵠弟子周玄黃玄時人目爲二玄者也鵠論詩大旨謂漢魏骨氣雖雄而菁華不足晉祖玄

虛宋尚條暢齊梁以下但務春華少秋實唯唐作者可謂大成然貞觀尚
習固陋神龍漸變常調開元天寶聞聲律大備學者當以是爲楷式閩人
言詩者率本於鴻胥府引禮舍人蒲源字長源無錫人也慕鴻名欲往訪
而無由一日以收買書籍至閩造其門二玄請誦所作曰吾家詩也鴻延
之入社辟所居舍之源名益重

鄭定字孟宣本閩縣人善學劍工古篆隸書陳友定辟爲記室友定敗亡
交廣間已入長樂居之洪武中舉明經爲延平訓導末年徵爲齊府紀善
永樂中遷國子助教有澹齋集

王褒字中美閩縣人洪武中由國子生領應天府鄉薦歷瑞州長沙兩學
教授遷永豐知縣首革徭役不均之弊蝗嘗爲災褒禱于城隍數日境內
蝗皆死政暇輒戾學課諸生所業親爲講解永樂中朝京師與修高廟實
錄陞翰林修撰又修永樂大典爲總裁官成祖每順祥令節輒命從臣賦
詩親第局下褒元夕應制成祖品爲第一改漢府紀善卒褒性孝友與人

交重氣義博涉羣書有養靜齋集行于世

唐泰字亨仲侯官人洪武二十七年進士爲陝西按察司副使著有善隱集十卷

高棟字彥恢仕名廷禮自號漫士長樂人本宋提刑張紳後曾祖麟出繼高氏因襲其姓棟博學能詩又善書畫客從棟求畫棟輒自戲令我作無聲詩耶蓋世稱棟有三絕也棟嘗總唐人詩揚扞其品有正始有正宗有大家有羽翼有接武有正變有餘響有旁流凡九十卷號曰唐詩品彙又有拾遺十卷正聲二十卷然其宗旨則歸於開元天寶之間唐稱詩三百年其大較如此矣文皇帝時棟以布衣召入翰林爲待詔遷典籍卒所著有嘯臺集本天清氣集

王恭字安中閩縣人環閩皆山而恭家故貧則爲樵往來羣山中自稱曰皆山樵者恭善爲詩援筆千言永樂四年有司以儒士薦恭強起至京師年六十餘老矣與修永樂大典是時友人王偁爲翰林院檢討戲謂恭曰

君無以會稽章綬故來耶恭從谷笑謝曰吾山中斧柯幸無恙君毋深誚
我爲居三年大典成試詩高第授翰林典簿授牒歸著詩數十卷曰白雲
樵唱其在金陵曰鳳臺清嘯其歸田曰草澤狂歌廬陵解縉稱其布衣蕭
然不慕寵榮

陳亮字景明長樂人好文工詩洪永中郡縣累徵不應作陳搏詩見志家
居建儲玉樓滄州草堂曰與高廷禮王恭周立輩往來倡和又與三山諸
耆彥爲九老會有滄州集又號拙修翁

王偁字孟揚永福人父翰仕元殉節死時偁方九歲翰友吳海撫教之洪
武二十三年舉於鄉永樂初以薦授翰林院簡討進講經筵修永樂大典
時內外儒臣及四方章布屬集闕下惟偁學博思深解縉第偁人品當在
蘇子瞻之列其文亦類子瞻詩則浚轍漢唐每擬薦以自代偁爲人氣節
英邁議論爽發視餘子瑣瑣不啻卧之地下以此名譽雖彰謗亦隨之
坐事謫交趾從總兵張輔幕下時縉出爲交趾參議嘗饒化州言偁於輔

携以自隨因其往廣東觀其山川言其可鑿賴江通南北道員草人奏言
車駕北征縉見東宮漢庶人怒縉且欲陷東宮遂言於成祖成祖怒
事勞民并偶皆逮獄相繼死獄中所著有虛舟集行草書亦絕妙一時子
振以祖父死非命屏跡不仕有司屢薦不起亦能詩

黃立字立之侯官人其初本將樂人林鴻爲將樂教官時立爲弟子鴻雅
重立嘗爲詩稱之曰青衿二十徒達者惟黃立立益嚴事鴻及鴻棄官歸
黃立挈妻子入福州終身師事之已而以歲貢入成均老矣授泉州訓導
卒著有鳴秋集

周玄字又玄一字微之奸挾書出游書數千卷至長樂見高棟曰吾益友
也止其家出書數千卷讀十年後辭去盡稟之曰在吾胷中矣永樂中徵
爲禮部員外郎所著有宜秋集八卷爲徐興公所編 以上名山藏鳳洲筆
記閩書東越文苑曝書亭集明史

鄧定字子靜閩縣人洪武初與兄誠同以遺逸徵定獨不出曰有兄馳驅

報主定願田間老耳結廬竹溪之上自題其堂曰耕隱有耕隱集數卷時
邑人按察副使陳輝字伯煒有存庵集永樂十三年進士趙迪字景哲有
鳴秋集洪武中布衣鄭迪字公啓有石室集洪武中布衣長樂林敏字漢
孟有青蘿集永樂中布衣此數子者皆與十子相倡和稱爲敵國而名不
出於州里

東越文苑閣書

林廷綱莆田人洪武初詔郡縣弟子員優者入國子監廷綱在選太祖親
擢吏科給事中議論侃侃賜名恆忠寵遇日隆嘗侍游江間殿太祖首唱
詩二句曰江間小殿與雲齊樂上新添燕子泥廷綱承旨足成之曰雉扇
曉開紅日近龍衣春濕綵雲低旌旗影裡貌貅息斧鉞門前騏驎嘶簪筆
詩成同拜舞太平天子賜新題又承旨作春江漁父圖親題於殿壁間曰
浩蕩乾坤一釣圖綵綸終日倚蒹蒲桃花浪暖魚堪贈桑柘春深酒可酤
歲月不知蓬鬢改江湖眞與世情疎熊羆不入君王兆四海于今誦帝謨
稱旨命題於後殿十二年以歸省請帝親製符敕諭之還朝遷中書舍人

兼太子贊善與宋璩揭揭同知制誥後以事忤旨賜死年三十三帝尋悔
無及矣命葬太平門外立石旌之

圖書園小紀

方樸初名槐生字時舉莆田人少受業於方德至鄭桂通春秋書詩元至
正中大臣以學行薦擢漳州路北溪書院山長既授泉州路教授均不起
與其友二十二人作壺山文會洪武初樸舉興化府訓導辭不獲乃就職
爲師能推所學以淑士葺祭襄祠林光朝劉克莊墓爲同知李景齊敬禮
民誣訟景齊於憲司辭連樸既白遣歸上官疑其獄未實再逮樸曰丈夫
不能再辱遂拜辭文廟及先祠徧與朋友訣夜半沈井中年四十八嘗修
莆陽人物志未卒槩人咸惜之樸謹慤有禮平居未嘗去衣冠與人交久
而不變於事有不當者必論折之使合理而後已詩文清峻有法度壺山
文會諸人皆不及會中陳惟鼎字元中元時以明經授游洋教諭致仕餘
見元文苑郭完傳外與樸尤交好者同邑布衣陳惟楨字用祥工詩善草
書

道光舊志

鍾明德字叔達閩縣人清詞懿行與兄耆德齊名爲邵京實題山居十六詠其巫頂飛雲詩云白雲飛去山色深白雲飛歸山色陰時來時去自今古山亦無語雲無心有人結廬占巫頂白石支頭臥雲影清霄雲起隨飛龍行雨歸來人未醒

閩書

邵京實字仲堅閩縣人高蹈尚隱與鍾耆德兄弟及葉鉞林玉任宗仁林延孫吳忠輩皆道誼交相與唱和詞旨清雅惜遺稿散佚弗傳

陳申字孟膚閩縣人博學善文詞與林鴻鄭定諸人相友善洪武中以薦爲衢州教授擢知安慶州幼學均賦稱廉能遷湖州知府有惠政人稱爲文章太守

鄭旭字景初閩縣人居家孝友敦信義貫通五經百家諸史與王儒林誌友善洪武中以學行薦爲國子監掌儀帝幸太學親選德望十人以傳東宮旭居第二後以蜚語謫吏雲南二十餘年建文初復以明經薦起高安訓導

陳鄭關縣人能詩善天文又與林鴻陳仲完唐泰高棟唐震王恭鄭定王
傅王褒稱十才子同時趙迪林敏陳仲宏鄭關林伯瓊張友謙皆林鴻弟
子以能詩名鄭洪武丁丑會試是時翰林學士劉三吾吉府紀善白信蹈
主試取泰和宋琮等五十一人及廷試郊第一吉安尹昌隆會稽劉仕諤
次之大江以北無登第者諸生上言三吾等南人私其鄉帝怒更試擢韓
克忠王恕焦勝等六十一人及第有差皆北士時謂之南北榜又曰春秋
榜云初郊及試官下獄帝曰是皆藍胡黨於是信蹈等論死三吾以老成
遷郊謬安置威虜衛惟赦昌隆尋取郊仕諤回爲鴻臚寺司賓司儀署丞
先是郊方計偕謂其友曰今歲文星見閭分榜首當在是然目伏法何故
時禁私習天文及是人競傳郊語帝遂誅郊

以上道光舊志

胡宗華龍溪人自號草澗居士潛心理學爲鄉里楷式元至正閒領鄉薦
嘗爲古田教諭其後羅良據漳州陳有定發兵與構宗華以計從師入漳
護其家洪武三年以明經薦授本府訓導講說經籍能闡析微奧子宜衡

名橋以字行性敏嗜學永樂十七年以賢良薦授中書舍人其後與修成祖仁宗實錄陞大理評事尋引疾歸有懸庵集春同字宜年篤學好修永樂癸未舉於鄉授義烏教諭歷柳州吉安二府教授吉安故人物淵藪時有僉事王某者揚言於眾曰教授如春同真可師表鄉邦矣及卒諸生爲服喪

入閩通志閩書道光舊志龍溪縣志

王相字舜舉一名舉建陽人七歲能詩以奇童薦洪武四年應秀才舉授建爲主簿最聞陞王府典簿既復舉明經授襄陽府知事陞戶科給事中轉監察御史有蹇諤風以疾卒官相好吟咏所著有紀行秦淮渟雲巖庵窮愁省風諸橐

閩書

陳漢臣名留孫長樂人以字行明初辟南安教諭辭歸所著榕溪集張以寧稱其不自畫於今之能言而志附於古之痼士安鑿齒之疾而且屢空天將玉成漢臣而不朽之也

閩書

陳福建安人

一作閩陳人

灌園治蔬自號抱甕子人欲取蔬聽不拒手一編箕

踞勝旁書聲琅然自爲詞曰灌畦東西兮灌畦北南吾任吾力兮聊飲其
心我思古人兮丈人漢陰又曰戴星以濯兮載日以鋤聊任吾力兮焉
其飭我思古人兮什尼飯蔬綽然有自得之意會明初賓興詔下縣令
知其賢薦之舉擢兵部郎中改吏部

張昌齡字有年建安人博學工詩嘗從杜本蔣易遊甚有時名書法亦迺
勁洪武十一年薦至京陛見之日太史奏卿雲見帝大悅是年同舉者十
有三人特旨俱除僉事不避籍貫昌齡得福建僉事未幾致仕

趙友士字志道甌寧人爲文雅贍和平洪武初以明經舉爲本州訓導尙
書鄭賜少師楊榮皆出其門遷國子助教

張矩字孟芳自號雲松樵者其先揚州人父伯嚴爲五夫巡檢遂家崇安
依屏山劉氏得其遺書讀之遂通五經洪武初薦授本縣訓導諸生從遊
者隨質高下各有所得

楊遵字宗道浦城人工篆隸以杜本爲師盡得其法游藝杭州學益進洪

武初以薦知鎮江府廉明有爲百廢具舉流亡復業暇輒登覽山川賦詩寄興金焦閒題榜多其筆蹟

以上道光舊志

盧昭字伯融福建人徙居太倉淹貫經史工詩文洪武初起揚州教授

壬癸志稿

沈得衛字輔之連城人善歌詩元末陳有定招致幕府欲官之得衛辭去所居蓮峯下有泉石之勝日與朋舊攜酒登高嘯詠爲樂明初辟本邑訓導

劉嵩字子中晉江人博通經史詩文清新奇古不俟思索人謂其有謫仙才元季落魄不仕有知其貧而餽之者輒正色謝其所受卽賙貧乏洪武初以賢良方正薦授賓州州判卒於官貧不能歸槨州人葬之

蔣梯生字仁叔福寧人檢身勵行學問沈潛爲鄉里所推元季高尚不仕洪武初舉明經授本州訓導教育諸生多所成就所著五經蠡測微詞隱義多發前人所未發

以上道光舊志

蘇伯厚名坤以字行建安人父照字明遠元至正閒以明經薦欲授以官以親老辭工畫伯厚博通經史於琴棋書畫曲藝小數咸精到元季左丞阮德柔重其名累薦不起以養親讀書爲樂洪武十八年以明經薦授本府訓導學地舊爲軍衛所侵力復之成祖卽位以薦預修太祖實錄擢翰林侍書復預修永樂大典遷檢討兩典會試進講文華殿稱旨任翰林幾十年絕無私謁尚書鄭賜有師友之舊未嘗一至其門賜常請見必規以正言其爲學本於誠實論議皆有依據卒於官遺命題其墓曰有嚴先生祭酒胡儼稱其恩義均骨肉禮教詔子孫爲時通儒弟仲簡名境亦以字行善文辭與兄伯厚弟叔敬季雅自相講授洪武初亦以明經薦授崇安訓導善爲詩陳仲述謂其詩如玄酒太羹土錫瓦缶質而不俚近體如正人端士衰衣危冠樸而不陋歌行如山下出泉鏘然有聲聽之無窮人以爲知言

八閩通志閩書建安縣志

黃伯珪字孟友光澤人少有才名能詩善書人得一詩字者寶如奇珍洪

武乙丑進士授御史

龔炯字廷璋晉江人刻意爲詩文名於時書翰遒勁端嚴得歐陽詢筆意
洪武中應薦以親老歸養終於家

黃文史字廷實長泰人穎悟通博洪武閒由貢生舉庚戌應天鄉試兼作
五經題以違式請旨帝讀其天下一家論大見稱異特置第一免會試授
刑部主事以言事忤旨貶撫州推官撫民有恩而待屬吏過嚴爲所陷謫
戍大同後改漳州衛卒

以上道光舊志

黃麟字伯厚莆田人洪武中以文學召見授翰林院應奉會天子有事於
園丘御書門帖曰大明日月光天德洪武山河壯帝居麟熟視良久以足
踢下之上大怒將加重刑麟頓首奏曰日月光天德山河壯帝居此陳後
主句也聖朝豈用之乎上色解因詔麟易之麟應聲曰乾坤一統歸洪武
日月雙輪照大明上曰善他日麟入朝而髮亂冠敝上以爲大不敬屬吏
械繫麟仰而歌曰髮亂冠不正頭中蟻虱多若能皆剝盡願唱太平歌上

知麟之微言也笑而宥之因命作京城曉望詩麟卽奏曰清晨獨上鳳凰臺極目乾坤氣壯哉萬里江流連海濶五湖樓閣倚天開金門鐘響于官擁玉筍班分萬馬回聖主無爲崇治化衣冠濟濟總英才上大說賜帽帶紵絰麟辭謝不敢當賜但乞歸山詔許之麟自是遂不復出

東越文苑

林紹字淳裕長樂人能詩尤工長律邑人王恭王堅交章薦于朝下郡邑徵之竟不起有集曰清響

八閩通志

伍衡字時敏莆田人學博氣淳其爲文平實穩順時出新意七言歌行麗縉奇崛有溫李之調近體瞻麗不爲雕畫洪武時人或言衡起家爲增城知縣

東越文苑

林保童字子成寧德人幼聰穎出流輩羣書一覽成誦爲文章不煩繩削而自合矩度前輩皆器之訓導陳養之嘗曰林生之作如一片錦繡讀書至此雖蔬食飲水何憾洪武甲戌進士授綏寧知縣文學政事表裏如一陳廉字叔平福清人洪武中居黃山構醉墨亭并不礙雲山樓學書其中

凡二十年篆籀草隸皆精絕性簡抗寡諸貴遊豪俠踵門求書輒弗屑與過故人家有楮墨當意卽解衣揮灑累數十紙不少吝人咸奉爲奇寶號黃山翁又號雪蓬散人林鴻高棟王恭諸名士皆有詩美之

夏太和字伯陽福清人洪武中舉明經任本縣訓導陞國子助教侍講經筵太祖喜曰眞老儒士也因乞骸骨賜詩以榮其歸以上道光舊志

黃壽生字宏中一作行中莆田人建文己卯與兄和中同舉於鄉和中官至行在禮部郎中和中前志選舉及閩書俱未載壽生以親老乞歸除名陳中徐資用皆

從之親沒始充貢入太學永樂戊子再舉應天鄉試第一辛卯第進士改庶吉士預修四書性理大全諸書書成授檢討考試禮闈得疾卒壽生篤孝友敦行義勤學問經史多所通貫尤邃於詩經邑之業是經者壽生實爲初祖學者因其所居稱東里先生曾孫乾亨立孫如金俱解元人傳爲科目盛事八閩通志道光舊志

劉孟清甌寧人與楊榮友善榮嘗謂切磋講學資於孟清者頗多永樂中